

中

興

禮

書

中興禮書第二十卷

吉禮二十

郊祀大駕鹵簿三

隆興二年二月八日禮部侍郎兼權兵部侍郎黃中言
伏覲正月一日聖旨今歲冬至至郊見上帝用遵太祖
皇帝典故除事神儀物外乘輿服御並從省約本部除
已逐一條具外獨有五路未敢輕議中竊詳自來大禮
雖五路並設然考之禮經玉輅以祀金輅以賓象輅以
朝革輅以即戎木輅以田而祭祀所用者一玉路而已
典路之職雖曰凡會同軍旅以路從而後鄭釋曰王乘
一輅以其餘路從行亦以華國然則金象革木四輅不
過為一時觀美非其所乘也方承平時五者並設固不

為過今聖主方欲隆儉德而戒勞民其乘輿服御之費又無大於此四者有司敢不欽承所有今來郊禮欲乞因時之宜止用玉路其餘四路權不以從庶幾有以仰副明詔且於禮經無所背戾詔依將來郊禮除玉路道遙平輦外餘其車輦並從省約湯思退等奏近得旨將來郊祀除玉路道遙平輦外餘並約上曰大安輦祖宗時亦無承平時所用已諭有司更整計節省事

二十二日兵部言准正月一日聖旨朕恭覽國史太祖皇帝乾德元年郊祀詔書有云務從省約無至勞煩仰事天之誠愛民之仁所以創無疆之業垂萬世之統者在是朕祇膺慈訓嗣守丕祚今歲冬至當郊見上帝以申景命用遵皇帝之典崇儉德而戒勞民可令有司

除事神儀物諸軍賞給依舊制外其乘輿服御及中外支費並從省約仍限一月條具以來本部契勘昨紹興十三年郊祀大禮依政和五禮新儀排設國初大駕鹵簿共一萬一千二百二十二人及紹興十六年至二十八年郊祀大禮增添捧日奉宸隊共一萬五千五十人并三十一年明堂大禮依二十八年例三分減一用一萬一十五人今承指揮郊祀大禮乘輿服御中外支費並從省約續承指揮將來郊祀大禮除玉輅逍遙平輦外其餘車輦並依從省約本部今條具將來郊祀大禮除玉輅平輦逍遙乞令依舊人數所有大駕鹵簿儀仗內六引前大象欲依昨紹興十三年例止用象一頭其餘一行儀仗數內八寶下人數本部已牒門下後省裁

省施行外餘儀仗人數依今來指揮合從省約並乞依
昨紹興二十八年郊祀大禮人數內乞權行減半用六
千八百八十九人隨宜排設伏乞朝廷指揮施行詔依

大駕六引中道

象

詳具紹興十三年

第一引中道憶弩一執人騎

諸引執人並騎

次方纒一次雜

花扇二為一系列次曲盖一外仗青衣二人次車輻棒二
次告止幡二次傳教幡二次信幡二並分左右戰十分
左右在車輻棒至信幡外第二引中道憶弩一次柶鼓
一在左金鉦一在右次大鼓十為二重次節一夾稍二
為一系列執人騎諸引執人並騎次方纒一次雜花扇二為
一系列次曲盖一次幢一在左麾一在右執人騎諸引執人
次大角四為一系列次鏡一次簫二次笳二次橫吹二

並騎

各為一列次笛次簫各一在左篳篥次箏各一在右外
仗青衣二人次車輻棒二次告止幡二次傳教幡二次
信幡二次儀刀十為五重並分左右戰十六在車輻棒
至儀刀外為八重弓矢十六在戰外為八重並分左右
第三第四第五第六引中道大角各二餘並同第二引
中道鹵簿

金吾本司燾稍 左右皂燾各三為一列次押燾一名
次押衙二人次稷稍八為二重次上將軍四員為二重
次大將一員次稷稍四為一列並騎
次朱雀旗隊

次龍旗隊

次金吾引駕騎

自朱雀旗隊至金吾引駕騎
並同紹興十三年鹵簿之制

次太常前部鼓吹 鼓吹令二人次府史四人各為一
列分左右次管轄指揮使一名次柶鼓金鈺各五為二
重鼓在左鈺在右次大鼓二十四為四重次帥兵官二
人分左右次長鳴十八為三重次鈺鼓六為一列次帥
兵官二人分左右次歌工次拱辰管各十二各為二重
次簫六為一列次笳十二為二重次笛六為一列次大
橫吹二十四為四重次帥兵官四人為一列次節鼓一
次笛次簫各十二各為二重次箏篳十八為三重次笳
六為一列次桃皮篳篥十二為二重次帥兵官二人分
左右次歌工次拱辰管次笳各六各為一列次帥兵官
四人為一列次柶鼓金鈺各五各為二重鼓在左鈺在
右次小鼓三十為五重次中鳴十八為三重次羽葆鼓

六為一列

次持鉞前隊 驍騎都指揮使一名騎次靈芝旗二次
芝草旗二次驍騎軍使二人騎次瑞瓜旗二並分左右
次金節十二分左右為六重執人騎次雙蓮花旗二分
左右次罕一在左罕一在右次太平瑞木旗二分左右
朱雀旗一次义一並在中次青龍幢一在左白虎幢一
在右內幢义執人並騎次甘露旗二分左右次稱長一
名在中次鉞戟四十八為八重次嘉禾旗二次驍騎將
軍二人並分左右次黃麾幡一在中內執人騎

次六軍儀仗 第一隊軍將一名在左卒長一名騎在
右次熊虎旗二分左右次吏兵旗一在左力士旗一在
右次戈二分左右次白桿槍十為五重次矛二分左右

次吏兵旗一在左力士旗一在右次戟二分左右次白
 桿槍十為五重次鉞次戈次矛各二分左右次赤豹旗
 二分左右次白桿槍十為五重平列旗十四在仗外分
 夾本軍旗槍每二人為一列 次第二隊軍將一名在
 左卒長一名騎在右次龍君旗一在左虎君旗一在右
 次黃熊旗二次戟二次鉞二並分左右次龍君旗一在
 左虎君旗一在右次白桿槍十為五重次戈二矛二戟
 二鉞二力士旗二赤豹旗二並分左右次白桿槍十為
 五重次戈二矛二戟二鉞二黃熊旗二並分左右次龍
 君旗一在左虎君旗一在右平列旗十四在仗外如第
 一隊分決 次第三隊軍將一名在左卒長一名騎在
 右次吏兵旗一在左力士旗一在右次白桿槍十為五

重次熊虎旗二分左右次龍君旗一在左虎君旗一在右次天王旗二次通直官二人並分左右次十二辰旗各一丑寅卯辰巳午時旗在左未申酉戌亥子時旗在右次天王旗二分在右平列旗十二在仗外如第一隊分夾

次龍墀旗隊

並同給與十三并兩簿之制

次御馬四分左右為二重

次中道隊

並同給與十三并兩簿之制

次金吾牙門旗左右各一為中道第一門次監門使臣

三員為一列並騎

次金吾

細仗

內五方龍於五方風旗各止一隊餘并同給與十三并兩簿之制

次八寶

並同給與十三并兩簿之制

卷二十

五

寶鑑卷之三

次方纒一朱團扇二夾方纒次四色官二人分左右次
押仗二人騎次金甲二人並分左右次進馬官四人騎
為二重次千牛衛將軍二員次捧日都指揮使二人次
金吾引駕官二員並分左右並騎

次導駕官分左右騎導

次大纒一鳳扇二分左右夾大纒次腰輿一在中鳳扇
四為二重夾腰輿次華蓋一次排列官一名次香鑪一
次火燎一次小輿一

次逍遙子一次平輦一

應奉輦官並同給輿
十三年南簿之制

駕前執燭籠都下親從二百一十二前驅都下親從四
十五人東西班約欄二十二人引駕殿前指揮使四十
人東第三班長入祇候五十二人引駕諸班直首三

人下茶酒新舊班四十四人並分左右開道旗一在中

次人員一名次樂人二百七十人引駕四作樂自乾道六年以後用次

吉利旗五為五方次人員二人分左右次五方龍旗五

次人員二人分左右次門旗三十為五重殿前指揮使

引駕骨朵子直四十人分左右在門旗之外中道駕頭

下天武一十七人都下親從八人次下茶酒班執從物

殿侍一十七人次駕前都下親從一十七人橫作行次劍

三人次慶旗一在中次殿前指揮使行門二十二入擊

鞭一十四人次御龍直傳宣打繳執從物八十六人內奏

真珠頭中快行五十人次日旗自日旗至詔馬並同

玉輅駕馬駕士並同輅與

奉宸隊分左右充禁衛禁衛同子八重並同輅與十三年由簿之制

禁衛園子外天武約攔一百八十五人編排禁衛行子
三十人快行四十二人並分左右管押將校相視地步
御龍四直四人照管行子御龍四直八人禁衛內攔前
崇政殿親從二十五人

駕後部 大黃龍旗一次駕後樂東西班三十六人騎
次樂人三十一人次招箭班三十四人次扇篋下天武
一十七人都下親從八人次茶酒班執從物三十人騎
次大筆一掌筆鹿奉筆官並同他
與十三年南簿之制次御馬五次

持鈚後隊 神勇都指揮使二人騎次重輪旗二並分
左右次大繖一次朱團扇四為二重次小雉扇六為三
重次華蓋一次睥睨六為二重次御力九為三重次元
武幢一在中次絳麾二分左右次义一在中次細稍六

為二重次驍騎都指揮使一名騎總領大角二十為五
重次太常後部鼓吹鼓吹丞二人分左右次典史三
人為一列次管轄指揮使一名次歌工次拱辰管各十
二各為二重次簫六為一列次笳十二為二重次鏡鼓
六為一列次帥兵官四人為一列次歌工次簫次笳各
六各為一列次笛十二為二重節鼓一在中次小橫吹
三十為五重次帥兵官二人分左右次笛次簫各六為
一列次篳篥十八為三重次笳六為一列次桃皮篳篥
十二為二重次羽葆鼓吹六為一列次帥兵官四人為
一列次黃麾幡一在中次金輅象輅草輅木輅各
一第馬駕士並同給輿
十三年圖等之制次掩後隊並同給輿十三年
圖等之制

次金吾牙門旗左右各一為中道第二門次監門使臣

三員為一列並騎 次元武隊並騎虎翼都指揮使一
名次稷稍二為一列次元武旗一在中次稍次弓矢次
弩各五各為一列

大駕外仗

並左右廂

清游隊

並同給與十三
年函簿之制

次左右金吾十六騎天武都頭左右各一名次左右弩
次弓矢次稍各三各為一列

次攸飛隊

並同給與十三
年函簿之制

次前後隊及仗

並同給與
十三年函

簿之制

前部馬隊次攸飛隊

第一第二隊並同給與十
三年函簿之制內弓矢稍

左右各三
各為一列

第三隊天武都指揮使左右各一名次心

宿旗一在左危宿旗一在右次尾宿旗一在左室宿旗

一在右次左右弩各二次弓矢次稍各三各為一列第

四隊天武都指揮使左右各一次箕宿旗一在左壁宿
旗一在右次奎宿旗一在左井宿旗一在右第五隊拱
聖都指揮使左右各一名次婁宿旗一在左鬼宿旗一
在右次胃宿旗一在左柳宿旗一在右第六隊拱聖都
指揮使左右各一名次昴宿旗一在左星宿旗一在右
次畢宿旗一在左張宿旗一在右第七隊驍騎都指揮
使左右各一各次觜宿旗一在左翼宿旗一在右次參
宿旗一在左軫宿旗一在右自第四隊至第七隊執弩
弓矢稍人數行列並同第三隊 次步甲前隊 第一隊
至第六
隊並同統興十三年西傳之制內逆改左右
力角各六各為二堂第六隊係青臺甲力角次金吾牙
門旗二為左右道第一門監門使臣左右各二員並騎
次步甲前隊第七隊神武都頭次都頭左右各一名

並騎

頭並騎

內都

次左右白狼旗各一次朱鞞甲刀盾左

右各六為二重第八隊神武都頭都頭蒼烏旗次黃麾

甲刀盾第九隊驍騎都頭都頭鸚鵡旗次白鞞甲刀盾

第十隊驍騎都頭都頭天下太平旗次黑鞞甲刀盾第

十一隊虎翼都頭都頭慶雲旗次青鞞甲刀盾第十二

隊廣勇都頭都頭瑞麥旗次朱鞞甲刀盾自第八隊至

第十二隊每隊都頭及旗刀盾人數行列並同第七隊

次金吾牙門旗二為左右道第二門監門使臣左右

各二員並騎

次前部黃麾仗共三部

第一部至第三部並同結與十

三年國簿之制內第一節所引惟各五各為一列

次青

龍白虎旗隊

並同結與十三

次班劍儀刀隊

並同結與

簿之制內班各為二重次親勳散手驍衛翊衛隊

十三年出

次左右駢衛翊衛三隊

並同結與十三年

引各為一列

次金吾牙門旗二為左右道第三門監

門使臣左右各二員並騎次捧日隊十隊左右各五

隊並同結與十三年次後部黃麾仗第一部殿中侍御史

左右各一員次捧日指揮使左右各一名次左右都頭

各五人各為一列並騎指揮使都頭並騎次黃麾各十

各為二重次鼓各二次斧次戟各五各為一列次弓矢

次稍各十各為二重第二部係青麾第三部係緋麾次

絳引幡左右各五各為一列次金吾牙門旗二為左

右道第四門監門使臣左右各二員並騎次步甲後

隊第一隊捧日指揮使左右各一名次都頭左右各三

人並騎使都頭並騎次鷄鷄旗二在左鷄旗二在右各

為一列次青鑿甲刀盾左右各八各為二重第二隊天
武指揮使次都頭次芝未並秀旗二在左萬年連珠木
旗二在右黃鑿甲刀盾第三隊拱聖指揮使次都頭次
祥鶴旗左右各二各為一列朱鑿甲刀盾第四隊神武
指揮使次都頭次蒼烏旗一在左白狼旗一在右白鑿
甲刀盾第五隊驍騎都頭次都頭次天下太平旗一在
左鸚鵡旗一在右黑鑿甲刀盾第六隊虎翼都頭次都
頭次鸚鵡旗一在左鸚鵡旗一在右青鑿甲刀盾自第二
隊至第六隊內旗逐隊具載外其指揮使都頭刀盾人
數行列並同第一隊 次金吾衙門旗二為左右道第
五門監門使臣左右各二員並騎 次後部馬隊共十
二隊左右各六隊

並同給與十三年每簿之制內每隊左右弓矢各三祥各為一列第一隊

林日指揮使第二隊天武指揮使第三隊拱聖指揮使
第四隊神曹指揮使第五隊拱聖指揮使龍馬旗第六
隊拱聖指揮使
儀金牛旗

立仗

並同紹興十三年
年尚簿之制

五月五日禮部太常寺言勘會郊祀大禮合用大駕鹵簿儀仗仗內鼓吹六引駕前後部執色鼓吹一千五百餘人昨紹興十三年至二十八年逐次郊祀大禮止用八百八十四人近降指揮今來郊祀大禮除事神儀物諸軍賞給依舊制外其乘輿服御及中外支費並從省約准兵部備坐今降指揮大駕鹵簿儀仗依昨紹興二十八年郊祀大禮人數權行減半隨宜排設施行今條具申請下項一將來郊祀大禮大駕鹵簿六引駕前後部鼓吹振作比之儀仗數稀少今從省約乞將鼓吹

八百八十四人內三分減一止用五百八十八人隨宜排設其軍兵今來三分減一依例下所屬借差一就殿前司教場擺拽至期逐處排設鼓吹等事乞依例闕報所屬排辦施行詔依

孝宗隆興二年八月太常寺卿洪适言準已降旨郊祀回止乘平輦冠服令禮官封論今討論欲視京靈宮太廟獻饗禮例郊祀畢皇帝自齋殿服履袍乘平輦還內導駕官以常服前導其奉迎及侍中奏請升輦參知政事當輦奏請進發等合於見行儀注內修改其自青城至大次并禮畢自大次還青城每郊係服通天冠絳紗袍今乞依上儀服冠袍乘平輦從之

玉輦送遠平輦外餘平輦並從省內至是將來即禮除相服乘平輦禮容不相稱然當用大安輦申審修飾乃

詔旨用平輦而封
論冠服之制

會要云逍遙輦以搜招為屋赤質金

塗銀絲銀裝魚約粉錯梅紅條輦官十二人春夏服緋
羅衫秋冬服白師子錦襖平頭輦飾如逍遙而無屋輦
官十二人服同道遙輦並常所出御

乾道三年四月五日禮部太常寺言昨乾道元年正月
一日郊祀大禮先承指揮自太廟乘玉輅詣青城禮畢
還內續准指揮郊祀回止乘平輦所有今來郊祀大禮
自太廟乘玉輅詣青城依前項禮例外其行禮畢還內
所乘輦合取自朝廷指揮詔並依前郊禮例施行

十一日權兵部侍郎兼侍講陳巖肖言臣近者恭覲三
月十七日聖旨今歲冬日至郊祀上帝可令有司除事
神儀物諸軍賞給依舊制外其乘輿服御及中外支費

並從省約仍疾速條具以聞大哉王言此夏禹之用心也夫禹菲飲食而致孝乎鬼神惡衣服而致美乎黻冕其約已以自飭崇禮以事神今陛下與之異世同符矣臣備員兵部其與衛儀仗實掌之春秋傳曰清廟茅屋大路越席昭其儉也衮冕黻珽昭其度也火龍黼黻昭其文也錫鸞和鈴昭其聲也三辰旂旗昭其明也夫德儉而有度登降有數文物以紀之聲明以發之以照臨百官百官於是乎戒懼而不敢易紀律今陛下事從省約既儉而有度矣惟儀物所以俾其下戒懼不易紀律者亦宜酌其中制不奢不陋使國容嚴整而臣下肅恭則陛下約已崇禮之道兩盡矣臣竊見紹興二十八年以前郊祀與衛儀仗共用一萬五千五十人至乾道元

年陛下臨御初行郊祀比舊數十分減去其六止用六千八百八十九人臣今參稽已減合用之數今歲郊祀與銜儀仗宜遵用乾道元年已減之數乞今來更不增減庶幾有合中制仰稱陛下昭事之禮如合聖意即乞詔有司遵用施行詔依

五月二十九日兵部言勘會將來郊祀大禮合排設儀仗已承指揮依乾道元年郊祀大禮已減之數用六千八百八十九人隨宜排設下項 一乾道元年郊祀大禮殿前司差統制官二員將官五員請納儀仗編排旁頭二十人并本部差編排儀仗職掌五人所有將來郊祀大禮欲乞並依前郊已行體例差撥施行 一乾道元年郊祀大禮卓立大旗一十一口內黃龍負圖旗係

依舊於麗正門外卓立其餘一十口係於青城泰禋門外隨宜卓立所有將來郊祀大禮欲乞並依前郊已行體例施行 一逐次郊祀大禮儀仗自車駕景靈宮行禮畢入太廟齋宿排設次日乘玉輅詣青城除中道儀仗合行趨那外其外仗止是排定俟車駕入青城宿齋將一行儀仗番衮排立其乾道元年郊祀大禮儀仗俟車駕入太廟青城宿齋及登門肆赦將儀仗隨宜番衮排設所有將來郊祀大禮欲乞並依前郊已行體例施行

行詔依

自後通郊並做此

八月二十八日太常少卿兼權禮部侍郎洪适言伏覩國朝典故皇帝服通天冠絳紗袍乘玉輅以祀天禮畢乘黃令進金輅於端誠殿門外而舊例皇帝降輿並乘

大安輦還宮近因臣僚奏請不設四輅而二月八日指
揮除玉輅逍遙平輦外其餘車輦並從省約今歲郊壇
禮畢羣臣以朝服前導皇帝以朝服而乘平輦竊恐禮
容不相稱若合用大安輦即乞早降指揮令有司從實
修飾欲望朝廷速賜敷奏取自聖裁詔郊祀回止乘平

輦官服令禮官討論十月三日太常寺少卿兼禮部
建隆四年尚創造大輦郊祀禮畢皇帝朝服乘大輦
還內歷朝並無更改政和四年北郊畢乘大輦還齊官
解廐放仗易朝服乘輦還內按唐會要明皇廢輦不用
開元十一年祀南郊畢騎還自是行幸郊祀皆騎於儀
仗之內又見行儀制車駕朝殿日遊門并諸司官並常
服乘馬在駕前造等考古今沿革唐制郊祀畢尚是
乘馬本朝北郊回曾用常服即郊祀駕回亦可以不用
朝服兼唐制乘騎亦用儀仗見今朝制亦有冠服適等
在駕前今未聖旨郊祀日止乘平輦所自齊殿袍
比附前案宮太廟禮例郊祀畢皇帝自齊殿袍
乘平輦還內合導駕官以常服前導伏乞朝自齊殿袍
奏施行小貼子稱勅會逐次郊祀大禮皇帝自齊殿袍

大次并禮畢自大次還青城並焚服通天冠幘紗袍來平革亦乞敷奏
施行
詔依

六年七月二十七日工部言准都省劄子勘會金輅恐
有損壞去處又准省劄象輅木輅革輅恐亦有損壞去
處並劄付工部委官檢計申尚書省本部尋委將作監
丞陳豐同文思院上界監官軍器所監造官前去檢計
保明申部據陳豐等申今據作典狀契堪合來檢計金
輅象輅革輅木輅法物照得係自紹興十三八年以後
至今不曾修換若逐一再行換造恐支費用官錢數多
兼向去大禮日逼今除將不礙應奉行使不係負費用
力去處及顏色不至漬污時淡物件即不循例起請工
物添修止據目今加染色慰貼縫綴及端凸整頓光洗

出稅就用從省約修整申聞事詔並依工部所申疾速修整

九月二日臣僚劄子伏覩今年郊祀儀仗五輅稍備盛禮凡在海寓孰不懽欣狹觀休洽舊制禮成皇帝自端誠殿備法駕御大安輦還內登門肆赦焉近者有司以大安輦費用稍多頗欲絲絲竊惟三歲郊見國之鉅典豈可愛惜小費輕議更張又况慶成受釐之際政宜嚴恭以俟况袍若唯務減省使禮文斯缺則非所以重陟配而全事體也欲望朝廷詳酌特降指揮將來郊祀並用五輅大安輦一如舊儀庶幾禮文毋缺熙事備成仰稱上主欽崇之意天下幸甚詔依

二十六日提舉都知賈竑言契勘見修五輅將欲畢工

詔閱試用九月二十九日進呈用十月六日

自後祀禮
雜歸修葺

畢進呈並
用此例

乾道六年十月一日詔車駕陞玉輅詣青城餘金輅等
後從諸色人毋得喧雜令都大提點并幹辦排連法駕
鹵簿儀仗官王琪等專一差人編襪無色號人毋得放
入

九年六月五日禮部太常寺言乾道元年三年郊祀大
禮承指揮自太廟乘玉輅詣青城禮畢還內止乘平輦
至乾道六年先降指揮並依前郊禮例續承指揮並用
五輅大安輦一如舊儀當時自太廟極星門外乘玉輅
詣青城禮畢還內乘大輦了當所有今來郊祀大禮欲
乞並依乾道六年郊祀大禮已行體例施行詔依
淳熙三年

此依

七月二十三日中書門下省言勘會將來大禮依五禮新儀皇太子從祀合乘金輅詔令有司排辦施行二十八日皇太子奏劄乞免將來大禮乘金輅奉御筆批降詔依所請

淳熙三年五月二日兵部言准三月九日聖旨今歲大禮可令有司除事神儀物諸軍賞給依舊制外其乘輿服御及中外支費並從省約仍疾速從實條具以聞尋行下駝坊疾速照舊例從實條具施行去後據駝坊申今具下項 一紹興十三年郊祀大禮本坊止管象一項差撥簇象兵級二十九人紹興十六年至二十八年並用六引大象六頭准備象一頭并簇象兵級五十七

人 一乾道元年郊祀大禮檢准隆興二年二月二十
二日已降指揮本部契勘數內儀仗內六引前大象欲
依紹興十三年止用象一頭隨宜排設 一乾道三年
至乾道九年逐次郊祀大禮並依乾道元年例止用象
一頭并兵級二十九人應奉 一昨來乾道九年郊祀
大禮係用五輅大輦應奉當時本坊止管大象二頭遂
依乾道六年已排辦例用象一頭應奉目今本坊見管
大象一十三頭即未審依紹興二十八年用六引大象
六頭應奉唯復止依乾道九年例止用大象一頭應奉
伏乞朝廷指揮施行詔依紹興二十八年排辦應奉
淳熙十二年四月三日禮部太常寺日又言今檢照紹
興二十八年郊祀大禮太廟行禮畢皇帝自太廟極星

門外乘玉輅經由新路至青城齋殿降輅俟郊祀行禮畢皇帝乘大輦還內綠乾道元年并乾道三年郊祀大禮承指揮自太廟乘玉輅詣青城禮畢還內止乘平輦至乾道六年先降指揮並依前郊禮例施行續承指揮並用五輅大安輦一如舊儀當時自太廟櫺星門外乘玉輅詣青城禮畢還內乘大輦其淳熙三年並依乾道六年九年體例所有今來大禮乞依淳熙三年郊祀大禮已行體例施行詔依

淳熙十二年四月二十二日兵部言馳坊申昨淳熙三年大象一十三頭依紹興二十八年例排辦大象六頭准備象一頭今來見管象六頭若依淳熙三年郊祀大力弱行步遲慢止有象二頭堪以充用契勘乾道九年

止排辦大象一頭又准備象一頭應奉詔依乾道九年例排辦應奉

九月二十五日尚書省劄子郊祀大禮玉輅上執綏官上輅許用木踏道上訖其踏道更不隨行俟皇帝降輦從下

十月八日詔郊祀大禮捧日隊馬軍并觀巷官兵遇晴令全裝披帶或值雨雪特免今後准此

寧宗慶元二年四月十二日禮部太常寺言國朝典禮郊祀大禮五輅並設唯乘玉輅自金輅而下陳於鹵簿之間昨自紹興十三年郊祀大禮太廟行禮畢皇帝自太廟櫺星門外乘玉至青城齋殿降輅俟郊祀行禮畢皇帝乘大輦還內紹興二年亦用五輅大輦詔依紹興

二年郊祀大禮體例施行

五月二十九日兵部言逐郊大禮言排辦六引大象及儀仗旗隊鳴鑼人兵等執擎於鹵簿前分左右三重中道前引道排列應奉令次郊祀大禮見闕大象緣排設儀範係是第一引儀仗難以空闕欲止將儀仗旗隊人兵等執擎於六引前引拽儀範導引車駕入仗排列應奉從之

中興禮書第二十二卷

吉禮二十二

郊祀五使

紹興十三年十月三日禮部言契勘自來大禮御扎降
依條例合差置郊祀大禮使禮儀使儀仗使兩簿使橋
道頓遞使詔差大禮使太師尚書左僕射秦檜禮儀使
參知政事萬俟卨儀仗使吏部尚書羅汝楫橋道頓遞
使戶部尚書張澄兩簿使禮部侍郎王賞並更不置司
合行事令三省禮房專行

十六年十月五日禮部言契勘今來郊祀大禮合差五
使取自朝廷指揮降勅差詔差大禮使太師尚書左僕
射秦檜禮儀使簽書樞密院事李若谷儀仗使資政殿

學士秦燂函簿使御史中丞何若橋道頓遞使權刑部

尚書周三畏並更不置司合行事令三省禮房專行

十九年十月五日詔差大禮使太師尚書左僕射秦檜

禮儀使觀文殿學士秦燂儀仗使簽書樞密院事余堯

弼函簿使戶部侍郎李椿年橋道頓遞使右諫議大夫

巫伋

其禮部申請並更不置司
揮使自此以後並同十六年

二十二年十月十六日詔差大禮使太師尚書左僕射

秦檜禮儀使少保觀文殿大學士秦燂儀仗使簽書樞

密院事宋樸函簿使吏部尚書林大鼎橋道頓遞使刑

部侍郎韓仲通

二十五年十月十五日詔差大禮使太師尚書左僕射

秦檜禮儀使少傅觀文殿大學士秦燂儀仗使參知政

事董德元鹵簿使簽書樞密院事湯思退橋道頓遞使
權戶部侍郎兼知臨安府曹泳

二十八日禮部言勘會郊祀大禮使秦檜已身薨禮儀
使秦熺除少師致仕橋道頓遞使曹泳已責降所有合
差郊祀大禮使禮儀使橋道頓遞使共三員伏乞朝廷
降勅差官詔郊祀大禮五使並依紹興十二二年依次
差郊祀大禮使參知政事董德元禮儀使簽書樞密院
事兼權參知政事湯思退儀仗使權刑部尚書韓仲通
鹵簿使權吏部侍郎徐嘉橋道頓遞使權兵部侍郎沈
虛中

二十八年九月十一日詔差大禮使尚書左僕射沈該
禮儀使尚書右僕射湯思退儀仗使知樞密院事陳誠

之鹵簿使參知政事陳康伯橋道頓遞使同知樞密院
事王倫

二十六日參知政事陳康伯言准勅充大禮鹵簿使緣
九月九日妻亡其將來祀事陪位立班等慮恐相妨太
常寺看定妻亡在職公除係假三十日別無妨礙從之
隆興二年十月十七日詔差大禮使尚書左僕射湯思
退禮儀使參知政事周葵儀仗使參知政事王之望鹵
簿使兵部尚書錢端禮橋道頓遞使給事中吳芾
日太常寺言勸會將來却祀大禮已差行事等官數內
有已差除并外任官合行別除勅差官詔差大禮使少
依尚書左僕射陳康伯禮儀使同簽書樞密院事兼權參
知政事錢端禮儀仗使同簽書樞密院事兼權參知政事
為橋道頓遞使並不置司今三省中給事中吳芾仍舊
十月以左僕射湯思退為儀仗使兵部尚書錢端禮為自
儀仗王之望為儀仗使兵部尚書錢端禮為自簿使至

是致為其不置司
日復是以為例

二十二日詔大禮使左僕射陳康伯為患脚膝今來郊
祀大禮免尊從駕今於逐處宿齋壇行禮止令大次
前侍立俟禮畢端誠殿後幄兩拜稱賀餘並免

乾道三年九月十二日詔差大禮使尚書左僕射葉顯
禮儀使尚書右僕射魏杞儀仗使參知政事蔣芾鹵簿
使同知樞密院事兼權參知政事陳俊卿橋道頓遞使
禮部尚書兼權吏部尚書周執羔

六年九月十三日詔差大禮使尚書右僕射虞允文禮
儀使參知政事梁克家儀仗使中書舍人鄭聞鹵簿使
權吏部侍郎兼權吏部尚書汪大猷橋道頓遞使樞密
都承旨張說

九年九月十四日詔差大禮使右丞相梁克家禮儀使
參知政事曾懷儀仗使同知樞密院使張說鹵簿使簽
書樞密院事沈夏橋道頓遞使簽書樞密院事鄭聞
十月十一日詔已降指揮差郊祀大禮五使令可改差
曾懷充大禮使張說充禮使沈夏充儀仗使鄭聞充鹵
簿使姚憲充橋道頓遞使可日下降勅

十六日尚書省劄子勘會已降指揮郊祀大禮五使內
儀仗使差簽書樞密院事沈夏鹵簿使差簽書樞密院
事鄭聞今來鄭聞已除參知政事沈夏已除同知樞密
院事詔大禮儀仗使改差知參政事鄭聞鹵簿使改差
同知樞密院事沈夏

淳熙三年九月十四日詔差大禮使參知政事龔茂良

禮儀使參知政事李彥穎儀仗使同知樞密院事王淮
鹵簿使簽書樞密院事趙雄橋道頓遞使武秦軍節度
使門府儀同三司充萬壽觀使曾覲並以職事為序

中興禮書第二十三卷

吉禮二十三

郊祀行事官一

紹興十六年二月二十三日禮部言准都省批下知大宗正事士奎等劄子乞每遇郊祀及明堂大禮前一日太廟行事執事官並差南班及貼差見任待闕等官後批送禮部勘當申尚書省本部下太常待勘當昨在京大禮前一日朝饗太廟其行事執事官並差南班宗室緣紹興七年大禮所差宗室員數不足申降到指揮自進幣爵等官降勅差南班宗室一十九員並宗正司差薦香燈官一十一員準備薦香燈官三員外所有其餘行事執事官並差異姓文武官充後來逐次大禮並依

上件指揮差官了當今來士套等乞今後大禮朝饗太廟依祖宗舊法並差宗室充行事官等本寺勘會本官所乞差外官宗室一節難行外尋取會到宗正兩司親賢宅等南班宗室行在二十四員紹興府三十二員除依逐次大禮進幣爵酒官等一十九員合降勅差官並薦香燈官一十四員依例牒報宗正司差官外只有二十三員未差所有捧俎執事官七十員數內欲依本官所乞過今後大禮朝饗從本寺牒宗正司親賢宅等差南班宗室充外所有其餘不足員數乞以逐次大禮體例本寺申吏部差待次異姓文武官充即不合降勅詔依

九月二十一日禮部太常寺言昨紹興十三年郊祀大

禮並前二日朝獻景陵宮前一日朝饗太廟內宮架樂
添差押樂太常卿一員殿下協律郎一員登歌樂係止
差殿上協律郎一員昨紹興十四年承指揮祀天地宗
廟依舊制設宮架樂內一項每遇大祠用樂舞依舊制
登歌樂合差押樂太常丞一員今契勘每遇有司行事
其宮架樂依在京舊制係差太常卿押樂登歌樂係差
太常丞押樂所有今來郊祀大禮逐處登歌樂乞依昨
紹興十四年已降指揮每遇大祀登歌樂添差押樂太
常丞一員從太常寺依大禮例其窠目申中書省差官

詔依

後皆
做此

十月七日樞密院劄子詔郊祀大禮差下官下項 都
大主管排連提點鈴轄捧日奉宸兵隊并法駕鹵簿儀

仗兵隊一員 幹辦排連法駕鹵簿儀仗兵隊二員

都大提舉主管並一行應奉支用物色等兼主管監散

賞給二員 都大主管大内公事四員 行宮仗帶御

器械七員 帶甲二員 贊輅前編排引駕臣僚及御

營四面巡檢六員 青城內至郊壇以來巡檢及同押

儀仗六員 權城裏都巡檢使二員 權城裏都同巡

檢二員 金玉輅前後往來經絡提點編排捧日奉宸

兵隊以下人等二員 金玉輅前後往來經絡編排執

儀仗人等二員

所差官以管軍環衛
官及内侍充後做此

紹興二十五年十月十七日 知大宗正事權主奉濮安

懿王祠事士銜奏臣契勘今來郊祀大禮所差行事執

事南班宗室係朝廷降初差一十九員本司差薦香燈

官一十一員捧俎官三員共合差行事執事南班宗室
三十三員除士穆見在妻服士阮見在兄服士嶸見持
所生母服闋已于今年十月一日從吉本司具奏未承
指揮外即令行在本司并紹興府行司自臣以下共二
十員親賢宅九員共二十九員外見闕四員兼有不恤
一員係任便居住之人自來未曾差充行事竊緣大禮
日逼委是敷差不足有妨行事欲望特降睿旨許將前
項士穆士阮士嶸不恤四員差充大禮行事所貴不致
闕官內不恤禮畢支賜仍乞依見今行事南班宗室支
破詔依

紹興二十八年七月二十九日主管親賢宅所言准大
宗正司牒當司合預行取會應南班宗室職位員數准

備朝廷及太常寺取索差充行事官仍請引驗逐官各
有事故將未堪與不堪行事移文吳益王府尊長取會
到皇侄常德軍承宣使權主奉益王祭祀居廣皇姪眉
州防禦使權主奉吳益王祭祀居端等狀吳益王府南
班官即日別無事故堪充行事官保明是實本所檢准
紹興二十五年七月二十三日已降指揮吳益王府宗
室係日奉朝請南班令主管所具名銜申中書門下省
與勅差將來郊祀大禮行事官所有今來吳益王府開
具到宗子職位員數遂具奏聞詔依紹興二十五年例
差

孝宗隆興二年十月十六日禮部太常寺狀今來郊祀
大禮合差贊者除太常寺人外於六曹寺監等處借差

正貼司以上充緣裁減吏額闕人差撥如闕正貼司以上於見管係籍私名貼司內揆數差撥前來祇應如又委實闕人窠差即乞牒兩浙轉運司臨安府分差人吏貼司以上人充攝祇應後批送禮部依所申施行

二十八日禮部太常寺言今來郊祀大禮其應奉人贊引使臣禮直官贊者祠祭官都知供官樂工係升壇殿

應奉人乞依例於大禮前各給沐浴錢五百文就太常

寺歷內批勘施行詔依

自後做此隆興二年以後減作三百文

九月九日禮部太常寺言今來郊祀大禮并朝獻景靈宮朝饗太廟分詣別廟太社太稷九宮貴神輓門行禮太常寺共合差供官一百八十人除額管三十人外見闕一百五十人今來所闕供官比之紹興十年明堂大

禮所借供官人數事體不同內兵部已申請借充供官外其進奏院在京日并自後每遇大禮皆借充供官祇應今相度欲將見闕供官人數乞依紹興十年明堂大禮借差工刑部及於下項去處均差人更充攝祇應並差不居父母服制當官封臂保明正身委有行止之人前一月到寺教習內禮部除已差捧祝冊并抱中巖外辦牌看上尊福酒職掌外更差一十人刑部二十人工部二十人祠部楷書五人權貨務一十人都茶場六人諸司糧料院五人諸軍糧料院五人諸軍審計司五人左藏東庫五人左藏西庫五人太醫局二人太史局學生一十七人詔依

二十二日禮部太常寺言勘會昨紹興十年明堂大禮

逐處習儀并十日受誓戒前一日省牲省饌太常寺贊者供官并合服幘頭緋衫腰帶樂工係介憤緋衫勒帛緣今來寺監等處借差到贊者供官若令旋製辦幘頭腰帶委是應辦不前除太常寺贊者供官依自來大禮所服外其借到贊者供官依樂工例服介憤緋衫勒帛赴習儀受誓戒省牲省饌祇應所有今來郊祀大禮欲乞依前項禮例施行詔依

後皆
做此

二十二日太常寺言閤門閤檢准紹興三十二年七月七日已降指揮閤門官每遇車駕行禮與行事官同進中嚴外辦解嚴牌及前導等行事今後令太常寺依同行事官具窠目申朝廷降勅差所有今來郊祀大禮應行禮等處閤門行事窠目今具下項二員前導皇帝一

員進中嚴牌一員進外辦牌一員進解嚴牌一員承旨

宣答贊拜伏乞朝廷降初差官施行詔依

後但此

十二月十一日國子博士兼權太常博士芮輝言今年冬至郊祀大禮所差捧俎分詣等官本寺申吏部差到待次文武官共九十一員前一月教習儀範了當續准指揮改用四月八日郊祀行禮吏部曉示令逐官朝辭給假前去今來難以再行告集若別行差官又緣所差員數稍多教習不及致期應奉交互擁遏不便兼所差官各合破本身食料錢人兵鞍馬等竊慮日逼所屬難以差辦本寺今措置欲乞除分命九宮貴神光祿卿等官文臣共二十八員並乞依舊差撥外其捧俎捧執遷豆盞盞官武臣六十三員今乞依昨親饗執遷豆盞盞

官及見令大禮舉冊官通袞舉冊體例止差一十二員
通袞捧俎捧執運豆行禮所有其餘俎饌欲依薦饗禮
例令供官先捧至位及於饌慢內設俎竇為省約於禮
無闕乞從本寺具窠日申吏部差官詔依後皆
做此

乾道三年八月十三日禮部言准都省批下大宗正司
申勘會郊祀大禮太廟等處行事合差南班宗室一十
八員本司差薦香燈南班宗室十一員昨紹興二十八
年郊祀因薦香燈闕南班宗室依所降指揮從本司差
近屬外官宗室乾道元年正月一日郊禮薦香燈官已
是全差外官宗室了當今來郊禮南班宗室比之前郊
勅差行事員數又復稀少本司除將元係南班換授外
官士矩士志士恭移文見居州軍津發前來行事其餘

不足員數亦乞從本司依薦香燈官已得指揮差近屬外官宗室其名申朝廷勅差施行後批送禮部勘當申尚書省本部下太常寺今勘當欲依大宗正司所申事理施行詔依此後便

九月十四日閤門言郊祀大禮知閤門官行禮應奉窠目數多即日見闕二員其行禮職事分差不及或相妨處乞時暫差簿書官權攝知閤應奉詔依

二十八日太常寺言今來郊祀大禮依儀合差監察御史二員按視糾察等一員于午階一員于子階立班竊緣圓壇行禮地段濶遠神位數多並要嚴肅及依已降指揮所設果寔等務要潔淨俟光祿卿入寔訖次監察御史按視禮畢同太官令監視收徹免赴端誠殿稱賀

立班本寺今參酌除前二日朝獻景靈宮前一日朝饗
太廟并前二日奏告太祖皇帝室太宗皇帝室差監察
御史二員欲乞就差充壇上外所有壇下欲乞朝廷添
差監察御史四員如闕乞於本寺及卿監內差官今具
案目下項郊壇上并前二日奏告及獻景靈宮朝饗太
廟監察御史二員圓壇行禮添差午階監察御史一員
子階監察御史一員酉階監察御史一員詔依後倣此
十月四日皇兄檢校少保岳陽軍節度使開府儀同三
司居廣言今來郊祀大禮別廟行事官居廣已差充初
獻官士輅已差充亞獻官今竊見士輅近除開府儀同
三司帶嗣濮王立班係在居廣之上所有今來初獻行
事乞改差施行詔別廟初獻改差檢校少保開府儀同

三司昭化軍節度使嗣濮王士輅亞獻改差檢校少保
岳陽軍節度使開府儀同三司居廣

三年十月四日太常少卿王淪等劄子勘會郊祀大禮
皇帝親祠事體至重一行祇應人並要嚴潔整肅今來
吏部等處借差到人吏除充攝贊者逐郊已有申請指
揮乞申嚴約束外所有充攝供官人竊慮循習不切用
心及禮將畢自擅散去今措置欲乞令所差供官於行
禮日並要服新潔領袖鞋襪盥洗手面各隨所掌職事
端謹如法排設祭器牲牢禮料酒齊幣帛蠟燈等及引
攝祇應不得相接語言少致喧闐候畢事却行如法收
撤送納官物了畢方許前去如有不依前項約束之
人事體輕從本司一面行違或事體稍重即具姓名申

取朝廷指揮到付太常寺依劄子內所乞事理施行
五日太常寺少卿王澹等劄子將來郊祀大禮本寺并
於省部等處借差到供官內祭器司分撥到六十九人
實設禮料局分撥到五十四人除差同日分詣九宮貴
神太社太稷外祭器司止管五十九人實設禮料局除
正壇外止管三十六人緣圓壇神位至多鋪設祭器禮
料酒齊蠟燭等件數不一地步闊遠一或陰晴不定移
設不時則臨期倉卒人力不勝照對郊祀七百七十一
位自壇上以至十二階分設器料萬數浩瀚前次緣人
數稀少遂龕神位或當行禮而鋪設僅徧或遇移設而
緩不及事今來郊禮務在嚴肅本寺措置祭器司欲乞
添差一十五人實設禮料局欲乞添差二十四人分攤

祇應不唯應時辦集庶得協濟不至失事伏望朝廷特
降指揮劄下臨安府於諸縣依數限日下差撥人吏充
攝保明正身有行止無過犯之人即便發遣赴寺劄付
太常寺依劄子內所乞事理施行

此後俱

十八日戶禮部狀准都省批下右通直郎陶楫等狀各
准勅差充圓壇分獻等職事所有幫勘請給食錢及閱
借勅號人馬其所屬合千人稱自來未曾有例照會吏
部所差諸處行事官已蒙太常寺施行外乞送所屬依
例幫勘給借施行後批戶禮部日下勘當申尚書省戶
部尋下諸司糧料院勘當照得逐次大禮在部時暫差
充圓壇分獻行事本院即不曾放過請給食錢所乞難
以施行禮部尋下太常寺勘當檢准紹興十三年指揮

郊祀大禮執事官等令臨安府於係省錢內每員各支折食錢一十貫文及於見管將兵等內差撥兵士二人及令殿前司每員差借馬一匹鞍轡全並控馬兵士二人及支破勅號二道及依例幫勘請給兩月令勘當分獻官陶楫等所乞欲依吏部所差官體例支破食錢鞍馬人共勅號幫勘請給俟令降指揮下日從本寺開具無職任勅差分獻官職位牒報所屬支破施行後批送禮部依勘當到事理施行

中興禮書第二十四卷

吉禮二十四

郊祀行事官二

乾道六年十月十日太常寺言今來郊祀大禮行事官
數內合差分獻官一百員本寺已申朝廷降勅差官了
當若於受誓戒以前如有病患或事故之人徵乞從
本官或本官所管官司將所勅牒檄申吏部依昨乾道
三年郊祀大禮禮例令吏部照本管所授職事案目從
本部擬定改差官訖具職位申尚書省降勅施行仍令
吏部繳元授勅申朝廷毀抹詔依此後做
乾道九年七月六日都省扣送下禮部太常寺狀勘會
昨乾道六年並逐次郊祀大禮前期修立行禮儀注并

條具申差行事官內有左右僕射侍中窠目今檢照已降詔書節文改左右僕射為左右丞相并續降指揮節文侍中與中書尚書二令可並刪去以左右丞相充其位所有今來郊祀大禮欲乞將左右僕射窠目改稱左右丞相其侍中窠目欲乞改稱左丞相俟令降指揮下日從太常寺於儀注并行事官窠目內修定施行伏乞朝廷指揮施行後批送禮部依所申施行

十月二十五日太常寺言已降指揮郊祀前一日朝饗太廟俟亞獻行禮將畢即引終獻升殿行禮合添差太官令一員酌終獻酒行禮伏乞降勅差官施行詔依九月十七日禮部狀太常寺言准詔郊禮在近合差官行事所攝官稱其間有合沿革可令禮部太常寺疾速

討論議定中尚書省今檢照開寶通禮皇帝冬至祀圓
邱行事所攝官稱係太尉誓百官侍中進玉幣并奏請
致齋及輦輅前奏請亦并用侍中至政和新定官制以
左輔右弼太宰少宰易侍中中書令左右僕射之名是
以政和五禮新儀大禮行事所攝官稱係用太宰少宰
左輔攝事至靖康元年詔三省長官名可並依元豐官
制後自紹興元年至乾道六年逐次大禮行事所攝官
稱依舊用左右僕射侍中又至乾道九年郊祀大禮其
所差官緣有乾道八年詔旨改左右僕射為左右丞相
及侍中與中書尚書二令可并刪去以左右丞相充其
位當時申請承都省批狀指揮將左右僕射窠目改稱
左右丞相侍中窠目亦改稱左丞相今討論議定開具

下項

掌誓

開寶通禮係太尉

魏祀天地前一日朝饗太廟亦用太尉掌誓

政和五禮新

儀係太宰少宰

乾道六年

以前係左僕射右僕射

六年左僕射差高書右僕射

九年係左丞相右丞相

攝右僕射差丞相攝

契勘掌誓所攝官稱典故前後

沿革不一其上件官係前十日誓行執事事陪祠文武

官於高書省誓行事執事陪祠宗室於太廟與其他所

攝官稱事體不同今議定欲依乾道九年已行禮例用

左右丞相掌誓欲依舊例差宰執攝

行禮日進玉幣爵酒

開寶通例係侍中 政和五禮新儀係太宰 乾道六

開寶通禮係侍中 政和五禮新儀係左輔 乾道六

年以前係侍中 乾道六年差起 九年係左丞相 差起

契勘前項所攝官稱典故前後沿革不一檢照近降

詔旨侍中雖已刪去竊緣每遇大禮如逐處進接圭兼

進飲福酒殿中監二員亦係差官攝事今來官制內亦

無殿中監之名欲參做上件禮例並用侍中攝事貴仍

舊名以備禮文欲依舊例差侍從攝禮

禮畢肆赦承制宣制

開寶通禮具載宣赦中書令受詔稱有詔 政和五禮

新儀係左輔 乾道六年係侍中 乾道六年差起 九月

係左丞相 差參知 契勘前項所攝官稱典故前後沿革

不一檢照近降詔旨中書令雖已刪去竊緣每遇大禮

如逐處進接圭兼進飲福酒殿中監一員亦係差官攝
事今來官制內亦無殿中監之名欲參做上件禮例并
開寶通禮用中書今攝事貴存舊名以備禮文欲依舊
例差執政或侍從攝詔依

二十日尚書省今來郊祀大禮并朝獻景靈宮朝饗太
廟別廟所差行事等官內職事稍重之人往往託故申
乞改差未稱嚴恭之意詔令禮部太常寺日下檢坐條
法擇中嚴應被差行事等官如敢依前托故避免申乞
改差之人委臺諫密切覺察具名彈奏取旨施行

行事官窠目

前祀十日質明受誓戒尚書省左僕射一員誓行事
執事陪祠文武官先道九年指揮左右僕射刑部尚

書一員 泚誓 太廟 右僕射一員 誓行事執事陪祠

宗室 刑部侍郎一員 泚誓

前三日奏請致齋日侍中一員奏請皇帝降座詣齋室
前二日奏告太祖皇帝室太宗皇帝室奏告官一員

監察御史二員 光祿卿一員 奉禮郎一員 太祝

一員 太官令一員

前二日朝獻景靈宮分詣官三員 一員詣祖宗諸帝

神御前行禮 一員詣昭憲皇后至慈聖光獻皇后神

御前行禮 一員詣元天大聖后并宣仁聖烈皇后至

顯仁皇后神御前行禮 太祝三員

郊祀大禮并前二日朝獻景靈宮前一日饗太廟行事

官 禮部侍郎二員 一員奏請致齋日并逐處行事

日及肆赦奏中嚴外辦 一員奏請致齋日并逐處行
事日及肆赦御中前奏中嚴外辦 殿中監一員逐處
進接圭兼迎飲福酒復受虛爵 贊導太常卿一員
禮部郎中二員 一員逐處行事禮畢奏解嚴 一員
逐處行事禮畢御前奏解嚴 太常博士四員 一員
贊引禮儀使 一員贊引太常卿 一員引亞獻 一
員贊引終獻

車駕自太廟詣青城并郊祀行禮畢還內輦輅前侍中
一員奏請車駕進發及小駐執綏官一員進輅
肆赦 刑部尚書一員詣班首前受制書以授司
中書令一員承旨宣制并奏禮畢 參知政事一員受
赦書奏制書請付外施行稱宣付班首以制書授班首

郊祀大禮并前二日朝獻景靈宮前一日朝饗太廟

亞獻一員 終獻一員 監察御史二員并前二日奏告

太祖皇帝室太宗皇帝室乾道三年郊祀大禮緣園壇行禮地既闊遠又于壇下添

差監察御史四員午階子階卯階酉階各一員讀冊官一員 押樂太常卿

一員 肆赦光祿卿一員郊祀巡牲牽牲詣厨入寔運

豆簋簋并前二日奏告太祖皇帝室太宗皇帝室 舉

冊官四員 太府卿一員設幣登歌 押樂太常丞一

員 光祿丞一員郊祀巡牲牽牲詣厨兼監饌造 協

律郎二員 一員壇殿上舉麾 一員壇殿下并麗正

門下舉麾 奉禮郎一員設皇帝版位 良醜令一員

逐處的皇帝獻酒 持黍太祝一員逐處進持黍兼肺

祭奠冊 太官令二員 一員郊祀并景靈宮酌亞獻

終酒太廟酌亞獻酒兼監視宰殺牲牢并搏黍等 一

員太廟酌終獻酒亞終獻匏爵并爵蓋官二員 盥洗

爵洗官一員 悅中拭爵中官一員 捧俎捧執運豆

盞盞官一十二員 通東行事供相執事 進撤飲福酒

俎內侍官二員監視宰殺牲牢及禮畢頒散酒胙并進

胙表二員 監焚燎竹冊幣帛內侍官二員

郊祀大禮并前二日朝獻景靈宮 左僕一員申祗滌

濯兼進玉幣爵酒 吏部尚書一員以玉幣授左僕射

戶部尚書一員郊祀薦牛俎并徹兼進飲福俎景靈

宮薦俎并徹 禮部尚書一員祗滌濯省牲省鼎鍤祗

濯溉薦運豆盞盞并徹 刑部尚書一員寔鍤水 吏

部侍郎二員 一員受玉幣爵酒兼瘞幣冊 一員盥

洗進爵以爵詣尊酌酒訖授左僕射兼燎幣冊 禮部

侍郎一員郊祀省牲視腥熟節 刑部侍郎一員增沃

鍤水 少府監一員設玉 太社令一員積柴掃除設

神席升烟束茅

前一日朝饗太廟 進幣爵酒官一員兼進瓚并申盱

滌濯 受爵酒官一員以爵酒授進爵酒官 奉幣員

一員以幣授進幣官 受幣官一員受幣兼受爵復於

坵 盥洗奉爵官一員盥洗進爵以進詣尊所酌酒訖

以爵酒授受爵酒官 奉瓚盤官一員盥洗進瓚以瓚

詣尊奠所酌鬱鬯訖以瓚授進瓚官 薦牛俎官一員

薦牛俎并徹籩豆俎兼進飲福酒 薦羊俎官一員薦

羊俎兼盱滌濯省鼎鍤盱濯漑 寔鍤水官一員 薦

豕俎官一員薦豕俎兼省牲貍腥熟節 增沃鑊水官
一員 薦香燈官一十一員 七祀獻官一員 七祀
太祝一員 奏奉神主官一員 配饗功臣獻官三員
一員詣東幄次前行禮 二員詣西幄次前行禮
宮闈令六員

前一日饗別廟 行事官初獻一員 亞獻一員 終

獻一員 監察御史一員文臣攝 捧羊俎兵部尚書一

員 捧豕俎工部尚書一員以上并差宗室 光祿卿一員

光祿丞一員 奉禮郎一員 太祝一員 太官令一

員已上吏部差 宮闈令一員

前一日較祭嘉會門 獻官一員 太祝一員 太官

令一員

分命九宮貴神行事官 初獻一員 亞獻一員 終

獻一員 監察御史一員 捧羊俎兵部郎中一員

捧丞俎工部郎中一員 己上 初差 光祿卿一員 光祿

丞一員 奉禮郎一員 太祝一員 太社令一員

太官令一員 己上 初差

分祭太社太稷行事官 初獻一員 亞獻一員 終

獻一員 監察御史一員 捧羊俎兵部郎中一員

捧丞俎工部郎中一員 己上 初差 光祿卿一員 光祿

丞一員 奉禮郎一員 太祝一員 太社令一員

太官令一員 己上 初差

圓壇分獻官 第一龕一十員 子階一員 丑階一

員 寅階一員 卯階一員 巳階一員 午階一員

申階一員	酉階一員	戌階一員	亥階一員
第二龕一十二員	子階一員	丑階一員	寅階一員
卯階一員	辰階一員	巳階一員	午階一員
未階一員	申階一員	酉階一員	戌階一員
亥階一員	第三龕二十二員	子階二員	丑階二員
寅階二員	卯階二員	辰階二員	巳階二員
午階一員	未階一員	申階二員	酉階二員
戌階二員	亥階二員	內壇內二十員	子階二員
丑階二員	寅階二員	卯階一員	辰階一員
巳階二員	午階二員	未階二員	申階二員
酉階一員	戌階一員	亥階二員	內壇外三十六員
子階三員	丑階三員	寅階三員	卯階三員

辰階三員

巳階三員

午階三員

未階三員

申

階三員

酉階三員

戌階三員

亥階三員

中興禮書第二十五卷

吉禮二十五

郊祀陪祠官

紹興十三年十一月二十五日大理寺言契勘本寺每
遇大禮差右治獄官行事常留司直一員在寺主管獄
事今來郊祀大禮少卿陪祠寺丞三員主簿一員各差
充行事官所有司直亦差充分獻官欲乞依舊例存留
司直在寺詔右治獄官已存留少卿朱斐不曾差充行
事免陪祠

二十六日禮部太常寺言勘會令來朝饗太廟行禮陪
祠官合前期立班陪祠禮畢車駕乘玉輅詣青城亦合
預先於玉輅前立班以俟導駕內執綏官係合先在玉

輅前祇備升輅所有陪祠立班皆有相妨欲乞免赴詔

依

北後

十六年十月十一日臨安府言昨來郊祀大禮本府申請知通依開封府例往來彈壓即不曾差充行事陪事管官所有今年郊祀大禮乞依詔紹興十三年已降指揮施行詔依例施行

十九年十一月七日太傅鎮南武安寧國軍節度使醴泉觀使咸安郡王韓世忠劄子奏臣恭遇郊祀大禮緣久病方痊脚膝無力欲望聖慈特降睿旨免臣立班拜跪止乞令臣前後導從詔依

二十二年十一月十四日詔張俊為病大與免陪位今往來隨駕導從應干合得恩數支賜並依例施行

二十五年十月二日禮部言將來占城國進奉人到闕
遇大禮其使副并小首領並合趨赴郊壇陪位及稱賀
詔依

隆興二年十月二十四日詔郊祀大禮令恩平郡王璩
前來陪祀

十一月七日詔陳康伯可赴陪祠

乾道三年九月二十七日皇弟少保靜江軍節度使判
太宗正事恩平郡王璩奏臣遠去日邊三更歲籥思君
戀國操志益堅茲者恭遇皇帝陛下節屆誕聖而又禮
講郊天臣所幸職總宗盟戚預近屬况此稽山之郡密
通神州之都臣目斷星郵魂馳象闕豈止躡步千里一
夕九升兼臣有本司職事欲得奏陳伏望聖慈許臣隨

祝壽之班復朝玉陛厠陪祠之列再而天姿詔依

大年

三年亦行
奏乞陪祠

十月十八日權發遣兩浙西路提舉刑獄公事陳良翰
提舉兩浙西路常平茶監公事劉敏士狀檢准紹興三
十年五月二日尚書省劄子節文兩浙轉運浙西提刑
提舉市舶司天申節許依京畿諸司例逐司官趨赴隨
班上壽敏士等遵依前項指揮合趨赴會慶節上壽已
於今月十五日入國門訖伏遇十一月二日郊祀大禮
依准紹興十三年十一月一日都省批下浙西提舉茶
監吳垵申巡歷到臨安府伏遇郊祀逼近未審合與不
合陪祠或只合赴肆赦立班御史臺狀契勘本官既不
曾赴受誓戒即不合趨赴陪祠止合赴肆赦立班敏士

等今來已入國門見有職事在此今月二十二日方受
誓戒未審合與不合赴受誓戒陪祠欲望朝廷詳酌特
降指揮施行詔許赴陪祠

六年十月二日皇叔祖檢校少保昭化軍節度使開府
儀同三司嗣濮王士輅劉子先於乾道三年郊祀大禮
蒙朝廷差充別廟初獻行事今來郊祀大禮日近士輅
已七十八歲筋稍退伏望敷奏乞依恩平郡王例陪位
詔依

三日禮部言准都省批送下衢州申據右通直郎專主
奉先聖祠事襲封衍聖公孔楮狀繳連錄白到元祐元
年指揮衍聖公每遇親祠大禮等許赴闕陪位今來郊
祀大禮楮欲乞赴闕陪位後批送禮部勘當本部下太

常寺據本寺申契勘昨自紹興十三年郊祀大禮至今
來郊祀大禮即無襲封衍聖公許赴陪位指揮詔依孔
播所乞

九年亦赴陪祠淳
熙三年以疾辭免

二十五日親權江南西路轉運判官黃輝狀准告授前
件差遣依已降指揮赴行在奏事已於今月七日入國
門尚書省劄子令閣門引見上殿緣輝今來未曾引見
所有大禮受誓戒并逐處陪位立班合與不合赴趨詔
許赴陪祠

淳熙三年十月三十日皇叔祖少傅昭化軍節度使判
大宗正事嗣濮王士輅狀准閣門狀閣長黎興祖傳聖
旨士輅除上壽六參外其餘並免趨赴所有今來郊祀
大禮陪位并十一月二日受誓未委合與不合趨赴詔

令趨赴

淳熙十二年七月二十三日朝散郎裴封衍聖公主管
建寧府夷山冲佑觀孔摺言檢准本家家譜內一項元
祐元年十月五日指揮衍聖公每遇郊祀大禮及冬至
朝會許赴闕陪摺昨轉至陞朝該遇乾道六年十一月
大禮陳乞承降指揮依所乞摺續後每遇大禮逐次陳
乞並蒙敷奏依所乞外摺今伏遇淳熙十二年十一月
二十二日郊祀大禮緣摺有母親年老多病別無兼侍
難以遠離欲乞權免一次詔依
九月十三日詔今歲郊祀大禮太保史浩少傅陳俊卿
並令赴闕陪郊祠令學士院降詔

中興禮書第二十六卷

吉禮二十六

郊祀事務所

紹興十三年七月六日禮部言契勘自來大禮御札降
依例合差提點一行事務官係朝廷降勅差少卿監所
有今來郊祀大禮取自朝廷指揮詔差左司郎中王師
心二十六年差軍器監於環十九年差軍器監王會二十
二年差太府卿徐宗說二十五年差兩浙路轉運副
使鍾世明二十八年差中正少卿楊傑隆興二年差兩
浙路轉運副使朱夏卿乾道三年差兩浙路轉運副使
姜說六年差同農少卿張津九年差兵部侍郎姜知照
安府沈度淳熙三年差兩浙路轉運判官吳洋
十七日左師郎中王師心言准勅差充郊祀大禮提點
一行事務本所契勘紹興十年明堂大禮提點一行事
務係紹興四年七年申請前後已得指揮竊詳前項逐

次大禮止係內殿并太廟行禮今次係郊祀大禮車駕親詣景靈宮太廟及出郊行禮兼增添儀衛等比之明堂大禮事體至重今參酌隨宜申請事件欲乞行移文字約束日限並依左右見行條法應合排辦事件並係創行製造竊慮修製遲緩及不依典禮或不如法欲委官逐一點檢如有減裂不度送所屬依法施行若有官司違犯前項事理乞從本所將合干人送大理寺依法施行如涉違慢之類事理稍輕者乞從本所決斷或本所行移文字取會等處其承受官司乞不以假故限當日供如違從本所將合干人送大理寺依條施行詔依

後依此

隆興二年六月十二日詔朱夏卿差充郊祀大禮提點

一行事務官今歲郊祀已降詔旨務從省約更不差置

屬官

比擬

十一月二十日兩浙路轉運副使朱夏卿劄子先差充郊祀大禮提點一行事務官今來圓壇青城太廟景靈宮車輅儀仗等應干排辦事件並以一切卑備竊見今月十六日詔郊祀改不用來年正陽之月相去月日尚遠所有事務竊慮合權行結局欲乞朝廷詳酌施行今勘會郊祀大禮提點一行事務係前半年差委今來相去正陽之月不及半年難以權行結局劄下照會施行二十八日新除權戶部侍郎朱夏卿劄子前任兩浙運副差充郊祀大禮提點一行事務官今來蒙恩除權戶部侍郎所有上件職事未審合與不合依舊欲望朝廷

指揮施行詔令依舊兼

十二月二十七日權戶部侍郎郊祀大禮提點一行事務朱夏卿劄子契勘從來郊祀大禮事務官係是卿監左右司官合於未行禮前先去逐頓點檢今來夏卿係是權戶部侍郎合導從駕緣兼提點一行事務職事合前期赴太廟圓壇齋殿點檢鋪設祭器禮料及青城逐頓排辦并車駕經由一帶道路等事務竊慮相妨伏望朝廷指揮施行詔免導從駕

淳熙十二年四月二十六日都省札下臨安府狀今歲郊祀大禮前期教習行事執事陪祠官按閣鼓吹警場雅樂習儀前十日受誓戒并奏請皇帝致齋及前二日朝獻景靈宮前一日朝饗太廟并至日圓壇行事畢登

門肆赦合預行絞縛蓋造殿宇神位象輅等屋釘設諸處行事等官幕次幃額什物造辦酒齋支供薦席油燭之類色色並係本府應辦兼前來兩次係明堂大禮今歲郊祀大禮比之明堂添青城一頓修蓋絞縛熙成端誠望祭殿等百官幕次諸司屋宇但干事務昨來排辦青城一行官吏皆已替移今次創差重新應辦委是生疎費力雖已分差官屬與錢塘仁和縣城南北廂官併力管幹切慮府縣官自此省郎差充諸處祀祭行事及至時朝廷差充大禮行事或執事陪祠前期受誓戒有妨應辦照得前郊體例具申朝廷蒙劄下吏禮部免差本府官屬行事緣今歲郊祀事體尤重理合預行申乞欲望朝廷特降指揮免差本府一行官屬諸處祀祭行

事及將來執事陪祠等庶得專一應辦郊祀大禮事務不致闕誤申省候指揮後批從所申事理施行

六月八日權發臨安府張杓劄子辭免郊祀大禮提點一行事務詔不許辭免